

LOU GALETOU

FAI RIRE TOU LOU MOUNDE E N'ENGROGNO DEGU
" PER DEHARGNA LOUS LEMOUZIS "

CINQUIÈMO ANNADO : LIMERO 7

JULIET 1939

DIE SO LOU LIMERO (no ve per mei)
Abounamen :
PER AN, NO PEÇO DE CEN SO

Direct, Redact, Administraci :
LIMOGES, 21, ruc d'Aisso, telef. 58-48
Chèque Postal : 127-53 Limoges




Photo Jové

Qu'ei dins no vieillo galesteiro qu'un fai lous meillours galefous !

Veiqui lo pâto dau galetoû dô mei de Juliet

SOUS LOU TUNEL.....	Francès.	LOU GALANT BARGER.....	Jean Reblér.
LOU RAIBE DE TRICOU.....	Lou viel Marsau.	TREIS PITAS BEZIS.....	Jân de lo Sourdouiro.
LES CHATAIGNES DU LIMOUSIN (chanson).....	E. de Pradel.	EN BANTURLANT.....	Banturlo.
LOU CHABRI DE TABIRAUD.....	L. Dumazaud.	LOUS MAGNACAUS.....	Montazaud.
LAS GRAULAS.....	Gustou de lo Jutisso.	QU'EI ACO ?.....	

O jour d'âiei, gn'io mouyen de re fâ sei n'automobilo, e, lo meita dô ten, no bouno voituro de rencoun-
tro forio vôt'ofa. Soulomen, fô lo troubâ de coufanço. Per coqui vou siredi tranquilei en nan veire ô

Etablissements BERNIS

"Service des Occasions"

31, AVENUE DE TOULOUSE, LIMOGES

Voû li trouborei lo voituro que vou fô, a d'un pri tout o fe rozounâble.

GRANDE PHARMACIE BRUNOT

35-30, Place des Bancs
LIMOGES



AUCUNE NE SERT MIEUX

Se bien pourta qu'el necessari,
Per lou piti, mai per lou gran,
N'a cha BRUNOT, lou Pouticari,
O miel de lo plaço dè Ban.



TOUTES VENDENT PLUS CHER

Expédition par retour du courrier dans toutes les directions

SOUS LOU TUNEL

Lou Grand Frisà de lo Bussiero
Un fier garçou, mâ trop brenou,
Et Piti Jan de lo Teissiero,
Un ancien vâle de chaz nous,
Partiant tous dous per no journado
A Limogei, l'autre mati :
Is voulant fâ cauco virado
Avant lous trabais de l'èiti.

Queu jour n'y vio gaire de mounde,
Souleis dins leur coumpartimen,
Is chantavant, vous n'en repoude
Et fumavant... mai que lou tren.
A Neissou, l'y mouto no fenno
Qu'ò sur soun bras un nurija :
L'ò n'ò gro l'er d'essei malenno
Mâ, sur lou cop, is sount fija.

Qu'ei que l'ei gento, lo mâtino !
Un pren plasei de lo visà :
De gros tetous, lo faillo fino
Et dans oueis que favian damnâ.
Mâ, soun pitit, un fier meinage,
Tout d'un cop se met de purâ :
Lo deboutonno soun corsage
Et sei feissous lou fai telâ.

Lous dous gaillards se fant sicado,
Se coudounien tout en risant.
« Lo coumenço bien, lo journado !
Fai Piti Jan en lo visant.
— Voueis-tu parias que iò l'embrasse ?
Dit lou Frisà, d'un er malen.
— Tu n'as pas pô que t'embarresse ?
Repoun l'autre tout douçomen. »

Frisà s'en vai dins l'encougnuro,
Bien en faço dau tout piti.
O li caresso lo figuro
En li fasant : « Guili, guili ».
« Vous vesez be que co l'agaço,
Laissez-lou doun ! li dit lo mai.
— Voudrio tant esse a so plaço ! »
Repoun Frisà, visant de biai.

So vesino echappo lou rire,
Lou piti lâcho soun tetou.
« Degu m'empeichoro de dire
Que vous seïs gento coumo tout :
Quaus oueis ! Quau peu ! Quau petrenno !
Qu'ei plo si doux que dau velours !
Hurous queu que n'ò gu l'etrenno !
Voudrio n'en vei tous lous jours. »

A queu momen, quauco secouso
Fai toumbâ Frisà tout de nâ
Sur lo fenno que lou repouso,
Lou piti se met de purâ.
So mai l'embrasso, lou counsôlo.
Frisà s'ercuso tant qu'ò po.
Lo fai rire, creu qu'ò l'enjôlo
Et li perpauso tout d'un cop :

« Nous sount re louei de l'arribado,
Lou piti ei tourna plasen,
Vous n'a pas l'er d'esse chuquado,
Embrassan-nous, sirai counten :
» Ye ! vous ne manqué pas de lingo,
Repoun lo fenno en risoulant ;
Leissâ-me doun : sai pas no bringo
Toujours en chercho de galant. »

Lou boun gaillard se met de rire,
Mâ parlo tant que, per mo fe,
A lo fi, lo châbo per dire :
« Eh be, oui, la, iò vole be !
Mâ qu'ei trop tôt, l'autre nous viso.
Sous lou tunel, dins un momen,
Vous me farez no bouno biso,
Et nous prédrant tout notre tem ».

Tout en parlant lou tren s'enfilo
Sous lou tunel : un li veu re.
A l'autre bout un ei en vilo.
« Qu'ei lou momen, embrassaz-me ! »
Auvo Frisà, vite ô s'aprimo
Et sen no jauto sous soun nâ,
No jauto freicho coum'ò l'aïmo.
O l'embrasso, fai bien pelâ !

Mâ trop vite torno lo cliardo :
« Un cop de mai et qu'ei chaba...
Vous remerche, mo mignardo »,
Dit, tout hurou, lou grand Frisà.
Mâ notre home channio de mino :
Ce qu'ò vio troubâ de soun goût,
Quelo jauto freicho, si fino,
Qu'erro lou cu dau drolichou !

FRANÇES.

LAS BOUNAS MEIJOUS

La fennas an toutas meitie d'une machino
à cousei.

Las meillours se trôben chaz

JAYAT

18, rue du Consulat, Limoges

Un dans meillours relougers de lo villo quei

MARTIAL LARODIE

13, rue Barnet, Limoges

V'autreis l'y troubarez dans bijoux, de las
môtras, dans reveils, de las pendulas et ô fai
tout a fé bien las reparacis.

Per vei de bounâs récoltas, fô sennâ de
bounas granas.

V'autreis las troubarez chaz

L. VILLENEUVE

Marchand grainier

12, rue Othon-Péconnet, Limoges, Tél. 54-55

Lou peichadour bien arma soun mounta per
l'omni

Pierre VOISIN

lou spécialiste reputa per las gaulas las pû
soulidas. Qu'ei se que las mouto se mei mo.
Tout pour la pêche aux meilleures conditions

45, rue Adrien-Dubouché, LIMOGES

Que fô co din lo vito per essai huroux ?

Uno bouno santa,

Uno fenno adorable

Et un boun poste de T. S. F.

Per vei lo santa, faut vous sugna...

Per vei lo fenno ideale, faut la chercha...

Et per vei un bon poste de T. S. F. et pas
cher, faut na cha :

GERMANEAUD

20, faubourg de las arénas, Limogei

que vous proumet de l'houras déliciensas si
vautreis sabeï fa fleuri l'amour en ecoutant la
chansous.

Un troubo aussi din quen magasin : lus-
treis, lampas de chabel, potorio, flours d'ap-
partement.

Lou chabri de Tabiraud

V'autreis â plo ôvi parlâ de Tabiraud de Mâleu, queu paubre garsou qu'ero tallomen beitiu que lous tours que li ribavan erian counneigus dins tout lou paï.

Quand sous parens fugueren morts, Tabiraud devenguèt meitre de lo proprieta. Iô vous dirai be qu'ô ne li demouret pas lountem, per l'omour qu'en sieis meis ô aguet tout minja.

No ve, ô vio un jône chabri a vendre. Per fi de n'en tirâ un boun prix, ô dessidet de lou pourtâ a lo feiro d'Ey-moutiers, et ô annouçet soun intenci a tous sous vesis.

Li vio, dins queu temps, a Châteunio, treis lefiers qu'erian voleurs coumo de las jassas. Is apprenghueren, ne sabe pas trop coumo, lo nuvello que Tabiraud niriô a lo feiro et is dessideren de li rôba soun chabri. Vei qui coumo is li se prengueren :

L'en mandi de lo feiro, Tabiraud partiguèt a ped de Mâleu sur lou cop de las si'ôras. O vio mettu lou chabri dins un sa qu'ô pourtavo sur soun eichino. Coum'ô ribavo a Courtiau (a treis kilomeitres de Mâleu), ô rencountret un dô treis gaillards que li disset, en li mountrant lo teitiu dô chabri que passavo per l'eiberturo dô sa :

— O ei doun bien gâte votre che, l'ôme, que vous lou pourtâ sur l'eipanlo ?

Tabiraud ne reipoundet re, mas ô se penset : « Queu moussur ne deu pas veire bien cliar, ô o prei moun chabri per un che ». Et ô countinuet soun chami.

Mas a lo Veytizou, ô troubet lou secound que li credet :

— Ei-co un che de chasso ô be un che de bargei que vous pourtâ dins queu sa, l'ami ?

Alei doun, Tabiraud poset lou sa, surtiguèt lou chabri et erpliquei :

— Vous vesei be que qu'ei un chabri. Co n'ei pas de che.

— Qu'ei pas de che ? D'ante sei vous ?

— De Mâleu ?

— Et autreis pellâ quellas beitiâs dau chabris dins votre paï ? Autreis ne sei pas un pô fadars ? Iô disei a degu, vous vous farias barra en preijou. Ce que vous pourtâ qui, qu'ei un che de bargei.

Tout trebla, lou paubre Tabiraud countinuet soun chami, mas en se meimo, co lou charmenavo, ô se disio : « Io ne sabe pas ce que co vô dire. Qu'ei drolle co d'aqui, quis dous ômeis ne se counneissian pertant pas, segur. Vai foulei que io me renseigne avant d'arribâ. Un veu tellomen de chos drollas ô jour d'ahuei ! Io pourrio be me troumpâ ! ».

A Las Ribières de Bussy, ô rencountret lou troisième larroun. O li damandet vite, en li mountrant lou chabri :

— Dijas-doun, moussur, pourrias-vous me ballia un piti renseignomen ? Quelo beitiu que io porte dins moun sa, coumo iô pellâ vautreis eissi ?

L'ôme viset un pau et reipoundet :

— Co d'aqui ? Qu'ei un che de bargei. Vous ne iô sabias pas ?

— Eh nou ! Figuras-vous que io ne sai mas meitre dins moun be delpei un mei et avant ne m'occupavo pas de las beitiâs. Vous remerche beucop, vous m'ovei rendu un grand service. Io navo bien me fâ mouquâ de me per lous pelauds si iô vio riba entau jusqu'anto sur lou champ de feiro.

O poset lou sa, surtiguèt lou chabri, li passet un grand cop de ped sous lo couo et li disset :

— Uchi, salo beitiu !

Aprèi co, per se counsoulâ de sous malurs, ô chabet de davalâ fâ un piti tour a lo feiro.

Autreis pensas be que lou chabri fuguet têt massa.

Lou mei que ve vous countarai de quau feissou Tabiraud se faguet rôba soun âne (que ne se pellavo pas Carlo).

LUCIEN DUMAZAUD.

LAS GRAULAS

N'aime pas las graulas ; quis auzeux tous negreis
Me fant pau quand crèdent, lou sei, quand lo net toumbo
E que lou ven dau Nord en possant sur lo coumbo,
Fai planier lounjomen e puras lous aubreis.

Lo Mary m'ovio dit : « Vendras dimin-o-sei
» Au piti sautodour dau plaï de nôtro prado :
» Sitôt que siro net, iô li sirai ribado,
» Te dirai si châ nous volen nous fâ plozei ».

Lou dimin, quand siguei auprès dau sautodour,
Un troupeu de graulas, virouliant se pausavo
Sur lous châains dau bos ; lou ven chobrier buffavo,
Lou soulei s'escoundio (1) dins de grossas nivours.

Un frissoun tout d'un cop me foguet trimoulas.
De queu momen, cranguei no mechanto nuvello :
Si per malhur, Mary navo m'êre infidèlo !...
Mas, auviguei dous pas brodossas las feuillas...

Qu'èro ello ; me disset : « Sabei que t'aïme bien,
» Mas, que volei, moun Jean, sei mas no paubro drôlo,
» Moun paï m'o menasso, l'i ai douna mo parolo ;
» E ! me pardounoras !... Aï proumei ô Julien... ».

M'embrosset, sen onet. — Dous auzeus tous negreis
Possavant, credavant, virouillavant en troumbo
Dins mo teito, lou ven, en possant sur lo coumbo,
Fosio plange (2) pus fort e puras lous aubreis.

GUSTOU DE LO JUISSO.

(1) Se cachait.

(2) Se plaindre.

Lous astronômeis daus journaux se troumpen saven, mâ lous barometreis se troumpen pas, surtout quant is venen d'uno mejjou de counfianço coumo

GAUTIER-LAVIGNE

13, rue Saint-Martial, Limoges. Téléphone 51-63

Is troubarant dins quele mejjou de las lunettas de primier choix et pas char per legi eisa et sei peno l'amusant « Galetou ».



Dans meillours peichadeurs, lous pus amables
parchen au lanta, m' per reussi fo vei dans
chios coumo fo, de las lignas et de las gaulas
expres. Per troubâ tout ce que leur fai meitiei,
leur fo nâ chaz

COLOX, 8, rue Adrien-Dubouché
le meilleur meijou de Limoge, per quelas
besugnas. Lo paicho daibro, qu'is se depei-
chant !!

Pour vous, mesdames es pour vos enfants :
poissons rouges, aquariums, bibelots divers.

LOU BOUN LIBREI ! LOU BOUN PAPIEI !

LIBRAIRIE PALISSON

E. DESVILLES, Succ^r, 5, place Fournier, Limoges, Tél. 27-52

Que parlo tabe pateuei soume françai

LOU GALANT BARGER

L'autre mandi, sur lo fôgeiro,
Un galant qu'aimo lou boun tem
Vantavo a no jôno bargeiro
Lou pecha que fai leur tourmen.

Qu'ei, disio-t-eu, lou pus aimable
De tous lous pechas capitaus ;
Quis que lou pelen « fi dau diable »
Segur lou couneissen bien maû.

O n'ei gro tant impôrissable,
Quant ô s'apramo an l'auvo pas
Dirias qu'ô marcho sur lou sable,
So traço ne se counei pas.

L'amour o begu so masâdo
Dins tous oueis, coumo dins no fount,
Sei que l'aigo n'en sio troublado :
Un veû toujours l'azur au found.

Si qu'erio no si grando fauto
Ne cresâs pas que lou boun Di
Aurio fa fluri sur no jauto
Quelas rosâs de paradis.

Te que tremoulovâs de orainto
Au momen de te decidâ,
Veiqui que to hancho risento
Deja me tourno couvidâ.

Dins tout ipanpai, tout cuer que bouro,
Me damando d'autreis poutous...
Demo siraf riba dabouro
Per t'aidâ gardâ lous moutous !

JEAN REBIER.

Un viei proverbe dit qu'a no bravo teito tout va bien.
Qu'ei beleu be vrai. Mâ lous chopeus de chaz LEBUR fan
mer que ice : mettez-vous sur no vorro teito, lo parei bravo !

La Chapellerie LEBUR
LEBUR-MODES

Rue Adrien-Dubouché
LES MEUX ASSORTIS DE LA REGION

Treis pitas bezis

I
Lou paî Lionassou de Varnei
S'en anet l'autre dissadei
Veire lou medeci dans oueis.
« Moussur, disset-eu, vese trouble ! »
— Quei beleu lo fauto dau vi,
Toun gros naz rouge io me dit.
— Nei gro, moussur lou medeci,
Nous ne soun pas dau mem'avis,
Quant ai begu iô vese double ! »

II
Lou viei paî Matali, un sei de Sento-Crou,
En tournant de lo feiro
Un pau gris, mas hurou,
Per voueidâ so pedouciro
S'accoutet counire un mur.
Lou jet d'aigo, segur,
Mouillavo lous souliers ; qu'ei un piti malhur
Que couneissen lous vieis, mas lou nôtre, en coulero,
Disio, se bregetant : « Co n'ei pus coumo qu'ero,
A vingt ans, tous lous quinze jours,
Quant courio lo fumelo,
Usâvo no sumelo ;
L'empeigno au jour d'ahuei ei parido en huet jours ! »

III
Lo Marissou dau Pount s'ei douas ves maridado,
Mas dau segound, Tôni, lo n'ei pas bien charmado,
Et lou primier, Grand-Jean, que li plasio pas trop,
Se veû apres so mort, estima tout d'un cop.

« Si tu ne prenei pas lou defunt per modele,
Tu sauras, sei tardâ, Tôni, coumo me pele.
Entende que tu me pourteis, en te levant,
Au liet, lou chocolat, lou bure et lou po blanc
Coumo Grand-Jean ! »

Et lou paubre Tôni, que n'ero gro feignant,
Toujours erigoussa, et toujours travaillant,
N'avio jamais de recoumpenso en se coueijant,
Coumo Grand-Jean !

Eitabe, un beu jour, nôtre home se vengent,
A lo paûcho faguet... ce que fant lous galants.
Mas quant lo Marissou lou trapet, l'embrassant,
Coumo Grand-Jean,

« T'as tort, li disset-eu, de venî en credant,
Fau coumo tout primier que tu rencuras tant,
Iô faû coumo Grand-Jean ! »

JAN DE LO SOURDOUIRO.

De là ve un chôsi de brave popiei per topissâ no chambro :
Gnio dô ôseu, de broyâ flour; mâ lou soulei que tapo dessus e
lo poucheiro l'an tã bima.
Ei be un po eichivâ qui oinei en prenan do popiei SANITEX
que ne channio pas de coulour e se lãvo coumo no telo cirâdo.
Courez n'en chatâ chã GRANY, lou droguiste de lo plaço
dô Carmel.

Quand un o de bravas dens un ei toujours gente et un se
porto bien.

Per vei de bravas dens fô nã trouba un boun dentiste :

Cabinet Dentaire R. Beyrand

38, rue Elie-Berthet
(Ras lo plaço dâus Banes)

BOUS SOINS, BOUN TRABAI ET PAS TROP CHAR.

LOU RAIBE DE TRICOU

Tan que voû sei sur tèro, vautreï fozei be lou fodar,
mâ quan lo mor ve voû queri, qu'ei choba de rire e voû
voudria mountâ tou dre ô ceu sei possâ per lou purgatôri.

Voû â legi, di *Lou Galetou* dô mei de mar : « Tignasso
ô Porodi ». Qu'erio un brav'ôme queu Tignasso, pertan sen
Piere lou vougue jomai prenei chã se...

Uno ne, Tricou, lou beu-pai de mo nèço, reibe qu'ô li
vio entra, se, ô Porodi, e veiqui coum'ô se li prengue :
O tûte a lo porto. Sen Piere deibrigue lou feneitrou. I se
metèren de parlâ e co se rencountre qu'i erian poren dô
coûta de so maï a Tricou.

Sen Piere li disse :

— Tu ne sei pâ mor, ne pode pâ te boliâ de carto per
rentrâ. Mâ viso, si un te domando ce que t'â vengu fâ eici,
tu n'ôra mâ dîre que noû soun cousin e que t'â vengu me
boliâ de la nuvelâ de lo fomillo.

Tricou rentre. O vigne dobor no grando chambro, tan
grando que toutâ quelâ de lo tèro assenlodâ. L'erio garnido
de lanpâ luchodâ que vian de lâ flambâ de toutâ grandour.

Tricou vigne n'ange que fojo lou deitren. O li demande
ce qu'un voulio fâ de toutâ quelâ lanpâ.

— Ah ! li disse lou vâle dô Porodi, gn'io uno per chacu
dô creïtien que soun sur tèro.

— Dijo, l'ami, voudrio be veire lo mio.

— Aten-te no minuto.

L'ange legigue dessus un gran tobleu, prengue Tricou
per lo mo, li fogue fâ beuco de deitour, e lou mene dovan
no lanpo que vio no touto pito flambo.

— Veiqui to vito, li disse-t-eu, tu n'â pâ per bien de ten
a restâ sur tèro.

— E quelo qu'ei â coûta, disse Tricou, lo quau ei-co ?
E ô fojo veire no lanpo que vio no flambo tan nauto coumo
se.

— Ah ! disse l'ange, quelo l'ei a to fenno. L'o denguero
lounten a viôre. Qu'ei te, segur, que possorâ lou prumiei.

— Ei be, per moun armo, qu'ei plosen, tourne Tricou.

Pode iô metre un pau d'ôli de lo lanpo de mo fenno di lo
mio lanpo ?

— T'amusâ pâ a fâ coqui, qu'ei defendu de re mognâ,
e si co se sobio, un me foutrio a lo porto dobor e, tu sâbei,
eici iai no bouno plâço e vole li restâ. Jomai n'en trouborio
no porieiro.

— Ah ! disse Tricou, gn'io mai de dou'ôrà que sai plan-
tâ, nè tene pû sur mâ chambâ, e ô se sieliè per tèro countre
lâ douâ lanpâ en lour viran l'eichino. Tandî que l'ange coun-
tugnavo de boueifâ, Tricou possavo so mo dorei se. trempavo
soun de di lo lanpo de so fenno per n'en tirâ de l'ôli qu'ô
metio di so lanpo a se...

Aqui, ô trape un boun jôta. Qu'erio so fenno que lou
reveillavo en li credan :

— Bougre de viei vorau, â-tu chobâ de fâ tâ soletâ ?...

E sobei voû ce qu'ô fojo ? O cougnavo soun de di lou
nâ de so fenno e lou metio apreï di lou seu...

Crezei-voû que quei prope coqui ?

LOU VIEI MARSOU.

QU'EI ACO ?

— *Qu'ei aco, tant mais un tiro dessus, tant mais co
s'eicourçi ?*

Cherchas bien ; co n'ei pas malaisa troubâ. Qu'ei quau-
core qu'un veû dins toutas las meijoûs. Co fai eimali las fen-
nas, mais l'an beû credâ, lous homeis las ecouten pas !

Cherchas bien ; co n'ei beleu pas ce que vous cresez.
Qu'ei quaucore de boun et de counvenable, coumo tout ce
que nous metten sur lou journaû.

Beucop d'homeis n'en aïmen lo sabour, mais quaucas
fennas eberbidas, et lous redactours dau *Galetou*, que sount
pertant si lechadiers, n'ecrupissen pas dessus !

Vous troubarez lo repouaso lou mei d'ô.

No drollo que s'en vai en balado, bien maiado ei meta maridado !... Drollas, courez vite chaz

QUEYROI 7, boulev. Louis-Blanc, Limoges

per maïâ votre parpaï !

Lou magasin ei toujours en brando de flour, coumo un vârgel au mei de Mai !

LES CHATAIGNES DU LIMOUSIN

Nous n'an pas l'habilitudo de vous fâ legi de las chansous en français, per mour que — Di merci! — las chansous patoueisâs ne manquen pas. Mas quello qui vanto talomen notre pays et sas chategnâs que n'an cregu bien fâ de lo mettre dins « Lou Gale-tou ».

Queu que l'o fâcho — li o plo lountem, qu'ero sous lou rei Philippe — ne poudio pas l'ecrire en patouei : qu'ero un Parisien que se pelavo Etienne de Pradel. Co fai plasei, n'ei co pas ? de sabeï que lous Parisiens se mouquen pas toujours de notre Lemouzi.

Un troubo quello chansou doubado en musico chaz Jean Lagueny, boulevard Carnot, que vend toutas las chansous dau pays, francesas et patoueisas.

Aux amateurs Marseille indique
La figue avec un juste orgueil ;
Niort vante son angélique,
La pêche est célèbre à Montrenil !
Au bon Normand la pomme est chère,
Comme au bourguignon le raisin.
*Mais à tous ces fruits je préfère
Les châtaignes du Limousin.*

On en voit sur toutes les tables,
Au Président même on en sert ;
Du pauvre, c'est le confortable,
Comme du riche le dessert.
Sœur de notre pomme de terre,
On te doit bien ce beau refrain :
*Qui, de tous les fruits, je préfère
Les châtaignes du Limousin.*

Aux honneurs, jamais je n'aspire,
La politique me fait peur ;
Ma gaieté perdrait son empire
Si je devenais électeur :
Et j'irais, moi qui me régale,
D'un fruit que je trouve divin,
*Mettre dans l'urne électorale
La châtaigne du Limousin.*

Mon voisin, d'humeur différente
Aux emplois brûlant d'être admis,
Nourrit de cuisine excellente
Des flatteurs et de faux amis.
Mais on verrait moins de Tartufes,
A la table de mon voisin,
*S'il leur servait, au lieu de truffes,
Des châtaignes du Limousin.*

Lorsque le temps impitoyable
Aura vu mes jours se ternir,
O Vienne, de ta rive aimable,
Je garderai le souvenir.
Et si jamais une couronne
Devait orner mon front sercin,
*Quelle soit de l'arbre qui donne
Les châtaignes du Limousin.*

Chez l'Allemand la bière est bonne,
Mayence exalte son jambon ;
Le miel est célèbre à Narbonne,
Comme à Lyon le saucisson.
A Périgueux la truffe est chère ;
On aime les pruneaux d'Agen.
*Mais à tout cela je préfère
Les châtaignes du Limousin.*

Elles vont bien à chaque table,
Aux Ministres même on en sert ;
Du pauvre c'est le confortable,
Et de l'opulent le dessert.
A Paris, à Londres, à Marseille,
A Tulle, à Brive, à Saint-Sornin,
*On mange, en vidant la bouteille,
Les châtaignes du Limousin.*

Tout est triste dans nos chaumières
Et dans la plaine et sur les monts,
Lorsque, sous les brumes sévères,
Nos châtaigniers sont inféconds.
C'est que des dons de la nature,
De l'épinard jusqu'au raisin,
*Rien ne peut valoir, je le jure,
Les châtaignes du Limousin.*

Et quand parfois dans nos montagnes
La disette se fait sentir,
Dans la ville, dans la campagne,
On n'entend que cris et soupirs.
Mais la Providence divine
Bientôt a banni le chagrin,
*Donnant, pour chasser la famine,
Des châtaignes au Limousin.*

Guillot, triste, dit à sa femme :
« Comment payer l'impôt foncier !
De joie notre voisin se pâme
S'il voit, chez nous, entrer l'huissier.

— Quoi, tu ne sais comment t'y prendre ?
Répond Jeanne, en battant des mains,
*Remplis ces sacs et t'en vas vendre
Nos châtaignes du Limousin. »*

DE PRADEL.

MOTEURS ÉLECTRIQUES
tous usages

GROUPES ELECTRO-POMPES

MATÉRIEL ÉLECTRIQUE
AGRICOLE

"LAW"

Seul Concessionnaire
pour la Région :

EIS BOISMORAND
12, boulevard de la Cité, 12
LIMOGES — Téléph. 26-78


NOUVEAUTÉS, DRAPERIES, TISSUS, etc...

LECOMTE-CHAULET
Place des Banos, 19-21, Limoges

Un m'o di, l'autre jour, que quello meijou tenio delpei cent-an. Beleu pâ tan. Mâ l'ei counegudo di tou lou poi... e pu loin denguero.

Eimandi voullo veire lou potrou. Guei de lo peno a possâ per nâ li parlâ. Li vio do mounde, dô mounde, diria qui baillen tou per re. De vrai, per lou leinâgei, là nuveutâ, lo sedo, degu ne po li fâ coumo i. I chaten dô moudelou de besugnâ a boun pri e tournen vendre a piti benefice. Quei tou lou secre de lo meijou.

Nâ li no ve, voû li tournorei.



Is disen que tout ei char. Co n'ei gro vraz. V'autreis verres
qu'un po vei no bravo garnituro de chambro per pau d'argent,
si v'autreis as lo bouno edeio de nâ fâ no visito *

L'AMEUBLEMENT GÉNÉRAL (Union des Fabricants)
Limoges — Place de la Motte — Limoges

TOUT CE QUI CONCERNE L'AMEUBLEMENT
Tous genres — Tous prix

BEVEZ LOUS NUVEUS
SODAS LAPLAGNE

Pur sucre - Digestifs - Rafraichissants

EN BANTURLANT

En queto sasou n'auriâ gaire lou tem de banturlâ. Pertant, darnieromen que co plevio, moutei a lo villo per me renseignâ sur toutes quelas locacis familiales et socialas, que degu li coumpren re.

Iô ribei un paû dabouro et lous bureus n'eran pas deberts. N'en proufitei per nâ m'eviroulillâ au Champ de Juliet qu'ei si be ratissa, si be signoula per daus jardiniers adrets, et que fai tant d'honneur a lo villo de Limogeis.

Mas quant li fuguei manquei toumbâ de cû ! Vous ne devinoriâs jamais ce qu'is an mei per cimo de lo grando leio, ente las gentas damas van se permenâ, o be se sicliâ sur lous bancs.

A l'entrâdo, bien a lo vudo de tout lou mounde, i'an pôsa douas bobôyas de peiro qu'is pelen lo Vignano et lou Taurioun. Segur, co n'ei pas daus Lemouzis qu'an fa queu trabaî. Qu'ei trop vorre !

La Vignano ei pus grosso que notre bujadier et ne saurias pas de quâ biais lo visâ per lo trouba gento, mas lou Taurioun, n'osoriâ pas n'en parlâ. Qu'ei n'erpeço de gargantuan, bien nûri per mo fe, qu'ô daus tetous coumo no breto preito a vedelâ, no teito coum'un toupi, de las jarras coumo daus mars de chaten et degu n'ei foutu de dire si qu'ei n'home, no fenno o be un nurija.

Douas drollâs, plo reveillodas, que possavan, se reitren, fagueren lou tour, et quant las fugueren d'avant, se beisseren per mier se rendre counte, mas las ne vîgueren re, pertant l'an daus oueis que vesen cliar, et apres se vei dit quaucore a l'oreillo, las partigueren en s'eipoufidan. Co n'ei pas lou Taurioun que leur faro caprice !

Faguei coum'ellas. Me mettei de rire et m'en amei. Vaû mier rire que purâ. Et me suvenguei qu'uno ve — li o mai de trente ans — nous visovan me et lo Margui, sur lo plaço d'Orsay, lou « Chêne et le Roseau » dau boun Lemouzi Coutheillas. Coumo trouba vo lo drollo gento et que lo deipignâvo, darrei, d'avant, sei me preissâ, lo Margui me disset tout d'un coup : « Embrasso-mie d'abord ! ». Co me plantet. « Tu li pensâs pas, faguei-io, tu n'osoriâs pas, d'avant tout lou mounde ! ». — « Si t'as vounto, disset-lo, vague darrei lou Tribunal ! ». Ne faut pas courrariâ las femmas. Nous li neren. L'embrassei dau mier que pouguei, lo me

disset a l'oreillo : « Sais jalouso, et co me fasiô degreu de veire que t'avias tant de plasei a deipignâ quello drollo de marbre ! ».

Eh be, vous repoude, bravo gen, que lo Margui n'aurio pas etado jalouso dau Taurioun ni de lo Vignano !

S'en parlo pertout de queu Taurioun, jusquanto a Sen-Junio, mais beleu pus loin.

Jan de Glano qu'avio na a las Ostencis, et que poset lou ped, sei fâ tenci, sur l'arte d'uno damo, se faguet-eu pas traitâ de « gros Taurioun » !

Lou paubre home n'avio jamais auvé quel'insurto, et ô ne pouguet pas repoudre. Mas, deipei, quaucu l'ô renseigna, et si ô tourno rencountrâ lo pito damo co se passero maû !

Coumo nous-li disian per lou counseulâ que daus mous-surs capableis an fa mettre sur lou journau que li o re de pus beû, et que dins quelas coundicis co n'ei pas n'insurto, ô nous repoude :

« Qu'ei poussible, et qu'ei beleu me que sais n'einoucen. Pertant si lo damo me baillet queu noum co n'erio pas per me fâ coumplimen, et si quaucu me tourno pelâ « Taurioun », is sount segur de lous moutâ, lous escaliers dau Tribunal ! »

Per mo fe, si qu'erio bien jugea, Jan de Glano aurio gain de cause.

Moussur lou Mairo, vous que sei si fier dau Champ de Juliet, ta be douba au goût de tout lou mounde, fasez vite menâ quelas bobôyas ente nous menen lou Carnovar lou jour de las Cendres. Las fan deshonor au païs daus emailleurs et daus porcelaniers, qu'an lo mo si fino, et qu'aimen tant tout ce qu'ei brave.

Lou Galelou n'ei pas riche, mas ô payoro pinto, de boun cuer, aux charretiers, et tous les Limougeaus s'irant countens !

BANTURLO.

Un ne po pus viôre sei bicyclette. Tous n'en volen. Las bonnas se troben chaz

FRANÇOIS CHAPUT

un garçon serâ et boun drolle que demoro 14, RUE D'AIXE (en faço dau « Galelou »). O vous foro daus prix rasounables et v'autreis pourrez chosi mâmo de quelas qu'an douas plaças. O fai las reparacis boun marcha.

TOUTS LES TRAVAUX PHOTOGRAPHIQUES
sont exécutés par

J. SAPINA

EYMOUTIERS (Haute-Vienne)

TRAVAUX D'AMATEURS — ACCESSOIRES
PRODUITS PHOTOGRAPHIQUES

Déplacement sans frais pour Noces et Groupes

Las cousimerâs d'au jour d'ahuei an trop de bounhur ! Las n'an pus metier de se cramâ lo figuro d'avant len fourneu per fâ lou marenden. Lo mouleto, lo soupo a fignou, lou cliafouti mais lou quitte rôti, tout ei sabouro et se mitouno tout saû, quand un employe :

PRIMAGAZ

qu'un trouble pertout. (Lio un marchand dins chaque coumune.)

LOUS MAGNACAUS

Tous lous vieis, a diés legas a l'entour de Sen-Germo, se souvenen de Mountazeu, n'ancien uchier de Sen-Germo, que muriguèt en 1913. Qu'ero un brav'òme, plo plasen et qu'ovio fâ beucop de chansous. Las douas pus bravas erian be : « Las fennas dau bourg de Glanjeas » et « Lous Magnacaus ». Las se chanten d'enquèro. Notr'ami Dumazaud las ô cherchadas per lous lectours dô Galetou. Vei qui, ahuei, « Lous Magnacaus ». Lou mei que ve co siro « La fennas dau bourg de Glanjeas ».

Lous Magnacaus fosian lo teito,
Erian jalous de notro feito.
Is voulian que tout lou jour
De notre counours
No grando nivour
Fase pleure et tounâ
Sur lous Sen-Germas.

Is neren troubâ lour vicari :
« Visâ dins votre grand breviari,
Nous voudriân que penden tout lou jour
De lour counours, no grando nivour
Porte lo greulo et lou meichant tem,
Nous sirian countens ».

Mas lou curet qu'ero pas beitiô
Disset : « Per fa manqua lo feito,
En d'uno messo de quinze francs
Nous eissaiaran, beleu nous pourran
Fa pleure et tounâ
Sur lous Sen-Germas.

Is courgueren touto lo journado
Sei trouba lo soumo damandado,

Et lou boun cure
Prenguèt soun bounet,
Barrèt soun libret :
Puisqu'autreis ne mounudas pas,
Co ne pleuro pas !

Co se viret de sorto, de manièro
Que lou counours fuguet de prumièro,
Lous chavaus de boueis vireren
Et li mounteren
Qui que vougueren.
Qui que vougueren pas
Lî leisseren fâ.
Jamai de feito lous Magnacaus
N'en faran entau.

MONTAZAUD.

HENRI ESDERS

O vend boun et boun marchâ et n'ien n'o per toutes las boursas
RUE ADRIEN-DUBOUCHÉ, A LIMOGES

LA VOITURE AUTOMOBILE POUR TOUTES LES BOURSES

Vous en avez besoin d'une... voyez les occasions de la

MAISON HUGUES

28, avenue de Juillet -:- LIMOGES



Exposition permanente de :

Citroën 7 et 11	Berlines traction avant	Renault Celtaquatre	Sup. conduite 1937
— 8 et 10	Conduites et commerciales	— K Z I	Cond. et marchande
— C-4 F	Conduite et fourgon	Licorne 5 CV	Cond. et cabriolet
— B-14 G	Conduite et marchande	Mathis 7 CV	Cond. et cabriolet
Peugeot 601	Sup. conduite familiale	— 9 CV	Belle conduite 5 places
— 301 D	Sup. conduite 6 glaces	et 25 voitures tous modèles, tous prix	
— 201	Belle conduite 5 places		

Imp. RIVET, 21, rue d'Aixe, Limoges

Le Gérant : François BEYRAND.